

184. **O. macrorhynchum** Kränzl. n. sp. — Caespites parvi. Pseudobulbi parvi, ovoidei, subcompressi, rugosi, monophylli, ad 2,5 cm longi, basi 2 cm lati. Folia infrabulbosa 2 ad 3, brevi-vaginantia, ipsa et illud pseudobulborum e basi complicata oblongo-lanceolata, acuta vel obtusa, apice interdum subobliqua, 3 ad 12 cm longa, 1 ad 1,3 cm lata, pergamenea. Inflorescentia paniculata, pauciramosa, pauci- ad pluriflora, rami ascendentes, non vel vix fractiflexi, bracteae minutissimae, triangulae, pedicelli cum ovariis 7 ad 8 mm longi. Sepala oblonga, obtusissima. Petala aequilonga, latiora, obovata vel subspathulata, antice rotundata, omnia 4 mm longa, sepala 2 mm, petala 3 ad 3,5 mm lata. Labelli lobi laterales primum 2 basilares orbiculares, breves, deinde 2 multo majores obovati, lobus intermedius brevis, orbicularis, antice rotundatus, a lateralibus vix sejunctus, crista labelli lamellis 2 brevibus composita, quibus cucullus satis conspicuus antice excavatus antepositus est, totum labellum 7 ad 8 mm longum et inter lobos laterales latum. Gynostemium breve, alae ipsi aequilongae, cuneatae, antice retusae, utrinque divergentes, rostellum longissimum, tenue, carina in dimidio inferiore gynostemii prosiliens, basin labellum usque descendens ibique in cornu compressum valde recurvatum auctum. Flores pallide flavi. — Fl. Decembri. — Fig. 17 J: a—b.

Subaëquatoriale andine Provinz. Costa Rica: S. Juan de Candelaria (Endres!).

Nota. Plantula mediocris more *O. Pittieri* Schlechter, gaudet eodem caractere i. e. cornu recurvato in basi gynostemii, differt ab hac specie aliisque hujus affinitatis labelli structura ambitu quinquelobi, alis inusitate magnis, rostello longissimo. Capsulae immaturae adsunt, quas consulto non descripsi.